

ხელშეკრულება № 2020 / 14 / 119
სახელმწიფო შესყიდვის შესახებ
(ელექტრონული ტენდერი NAT200010705)

თბილისი

13 აგვისტო, 2020 წ.

სსიპ საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი შესყიდვების სამსახურის უფროსის, ვახტანგ შავგულიძის სახით და შპს „ვერტისოლი“, შემდგომში წოდებული „მიმწოდებლად“, წარმოდგენილი დირექტორის, გიორგი აფაქიძის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – ფასთა ცხრილით გათვალისწინებული საქონელი.

1.7 ფასთა ცხრილი – მიმწოდებლის მიერ ელექტრონულ ტენდერში (NAT200010705) წარმოდგენილი ფასთა ცხრილი.

1.8 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია ფარდა-როლეტის მიწოდება და მათი მონტაჟის (მიწოდების თანმდევი მომსახურება) შესყიდვა (CPV-39515000).

2.2 შესყიდვის ობიექტის ტექნიკური მონაცემები და მახასიათებლები განისაზღვრება ხელშეკრულების დანართი №1-ით.

3. ხელშეკრულების ღირებულება

3.1 ხელშეკრულების ღირებულება განისაზღვრება ფასთა ცხრილის (დანართი №1) შესაბამისად და შეადგენს 46800.00 (ორმოცდაექვსიათასრვაასი) ლარს.

3.2 ხელშეკრულების ღირებულება მოიცავს როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1 მიმწოდებელი ვალდებულია:

ა) ფარდა-როლეტის მიწოდება/მონტაჟი (მიწოდების თანმდევი მომსახურება) განახორციელოს ხელშეკრულების ძალაში შესვლიდან არაუგვიანეს 2020 წლის 19 აგვისტოს, ხელშეკრულების დანართი №1ის შესაბამისად (თითოეული ფარდა - როლეტის ფერის შემსყიდველთან შეთანხმებით), შემდეგ მისამართზე: ქ. თბილისი, გორგასლის ქ. №22.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე დაუყოვნებლივ;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2 ინსპექტირებას განახორციელებს შემსყიდველ ორგანიზაციის უფლებამოსილი წარმომადგენელი (წარმომადგენლები).

5.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4 საქონლის მიღება-ჩაბარების აქტის გაფორმებამდე, შემსყიდველის შესაბამისი წარმომადგენელი უფლებამოსილია ჩაატაროს ტექნიკური და ხარისხის კონტროლი და თუ საქონელს აღმოაჩნდება წუნი, მიმწოდებელი ვალდებულია, საკუთარი ხარჯებით, დაუყოვნებლივ აღმოფხვრას წუნი წუნდებული საქონლის ახალი საქონლით ჩანაცვლებით.

6. გარანტია

6.1. წინამდებარე ხელშეკრულების საფუძველზე შესყიდულ საქონელზე ვრცელდება გარანტია 1 წლის განმავლობაში (საგარანტიო ვადა აითვლება შესაბამისი მიღება-ჩაბარების აქტის გაფორმების დღიდან).

6.2. საგარანტიო პერიოდის განმავლობაში რაიმე სახის ნაკლის, ხარვეზის, ქარხნული წუნის აღმოჩენის შემთხვევაში მიმწოდებელი ვალდებულია შეცვალოს საქონელი ახლით, შემსყიდველის მოთხოვნიდან არაუგვიანეს 3 კალენდარული დღის ვადაში;

7. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: სსიპ საჯარო რეესტრის ეროვნული სააგენტოს 2020 წლის საკუთარი შემოსავლებით მიღებული სახსრები.

8.2 შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება საგადასახადო ანგარიშ-ფაქტურის წარმოდგენის შემდეგ, შესაბამისი მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

10.2. თუ ერთი-ერთი მხარე არ ასრულებს ხელშეკრულების საგანთან დაკავშირებულ ვალდებულებას, მეორე მხარე წერილობითი ფორმით უწესებს დამატებით ვადას ან აფრთხილებს მას. თუ დამატებით ვადაში ან მიუხედავად გაფრთხილებისა მხარე კვლავ არ ასრულებს ან არსებითად არღვევს მის მიერ ნაკისრ ვალდებულებას, დაზარალებულ მხარეს უფლება აქვს ცალმხრივად შეწყვიტოს ხელშეკრულების მოქმედება.

10.3. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული, მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ვადაგადაცილებით მიწოდებული საქონლის ღირებულების 0.1%-ის ოდენობით.

10.4. წინამდებარე ხელშეკრულების 6.2 პუნქტით განსაზღვრული ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული საქონლის ღირებულების 0.1%-ის ოდენობით.

10.5. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადასახდელი თანხის 0,1%-ის ოდენობით.

10.6. თუ მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს დამრღვევ მხარეს დაგროვებული პირგასამტეხლოს ანაზღაურება.

10.7. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და, გარდა ხელშეკრულების მე-6 მუხლისა, მოქმედებს 2020 წლის 31 დეკემბრის ჩათვლით, ხოლო ხელშეკრულების მე-6 მუხლი მოქმედებს ამავე მუხლის 6.1 პუნქტით გათვალისწინებული საგარანტიო ვადის შესაბამისად.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. მხარეთა რეკვიზიტები

შემსყიდველი

სსიპ საჯარო რეესტრის ეროვნული სააგენტო,
წარმოდგენილი შესყიდვების სამსახურის უფროსის
ვახტანგ შავგულიძის სახით,
მისამართი: თბილისი, სანაპიროს ქ.№2
ტელეფონი: 291-05-17,
საბანკო რეკვიზიტები: ანგ. ხაზინის ერთიანი ანგარიში,
GE24NB0330100200165022
ბანკის კოდი: TRESGE22; სახაზინო კოდი: 707427078
ს/კ – 202238621

მიმწოდებელი

შპს „ვერტისოლი“,
წარმოდგენილი დირექტორის, გიორგი აფაქიძის სახით,
მისამართი: თბილისი, არბოს ქ. #8
ტელეფონი: მობ. 595057227
საბანკო რეკვიზიტები: ანგ. GE64TB7562636080100009
სს „თიბისი ბანკი“, კოდი: TBCBGE22,
ს/კ – 406 211 399

ფასების ცხრილი

შპს „ვერტისოლი“ (406211399)

N	საქონლის დასახელება	ტექნიკური დავალება	განზ	რაოდენობა	მწარმოებელი ქვეყანა და კომპანია	გარანტია	ერთეულის ღირებულება	საერთო ღირებულება	მიწოდების ვადა და ადგილი
1	ფარდა-როლეტი	მართვის ტიპი-მექანიკური; ნაჭრის მასალა 100% პოლიესტერი; ნაჭრის ფერი-ნაცრისფერი,ბეჟი; ნაჭრის წონა არანაკლებ 245 გრ/მ² ± 5% ; ნაჭრის სისქე არანაკლებ 0,41 მმ ± 5%; სამართავი მექანიზმი-ვერტიკალურ სიბრტყეში მამოძრავებელი ჯაჭვი; მექანიზმის და ჯაჭვის ფერი თეთრი	(კვ.მ)	725	საქართველო , შპს „ვერტისოლი“	გარანტია-ჩაბარების საჭიროზე საგარანტო ვადა ვრცელდება მიღება-წამარების აქტის გაფორმებიდან 1 წლის განმავლობაში,	40	29000	მიწოდების ვადა ხელშეკრულების გაფორმებიდან არაუგვიანეს 2020 წლის 19 აგვისტო.
2	ფარდა-როლეტი	მართვის ტიპი-მექანიკური; ნაჭრის მასალა 100% პოლიესტერი; ნაჭრის ფერი-ნაცრისფერი,ბეჟი; ნაჭრის წონა არანაკლებ 245 გრ/მ² ± 5% ; ნაჭრის სისქე არანაკლებ 0,41 მმ ± 5%; სამართავი მექანიზმი-ვერტიკალურ სიბრტყეში მამოძრავებელი ჯაჭვი; მექანიზმის და ჯაჭვის ფერი თეთრი; ფარდა როლეტი უნდა დამონტაჟდეს ფანჯრის გაღებად ფრთაზე და უნდა იმეორებდეს ფანჯრის კონფიგურაციას. (ტრაპეცია) 216 ცალი	(კვ.მ)	475			45	21375	მიწოდების ადგილი ქ. თბილისი. გორგასლის ქ. #22
3	ფანჯრის ფიქსატორი	ფანჯრის გაღების შემზღუდველი	ცალი	255			40	10200	
	ჯამი:							60575	

შპს „ვერტისოლი“-ს დირექტორი : გიორგი ავაქიძე